

Erindisbréf Skólanefndar Skútustaðahrepps

I. Stjórnskipuleg staða og skipan

1. gr.

Skólanefnd fer í umboði sveitarstjórnar með þá málaflokka sem henni eru falin. Sveitarstjóri starfar með nefndinni eftir því sem við á og ber hann ásamt skólastjóra og leikskólastjóra ábyrgð á að samþykktum og ákvörðunum hennar sé hrint í framkvæmd. Hann hefur málfrelsi og tillögurétt á fundum nefndarinnar.

2. gr.

Eftirfarandi stofnanir og deildir starfa á verksviði nefndarinnar; grunnskóli, leikskóli og tónlistaskóli. Þá skal nefndin fjalla um og hafa eftirlit með samstarfssamningi Skútustaðahrepps og Þekkinganets Þingeyinga. Nefndin fjallar einnig um og gerir tillögur um stuðning við menntun starfsmanna sveitarfélagsins og um styrki til kennara- og leikskólakennara í staðnámi.

3. gr.

Í Skólanefnd eiga sæti fimm aðalmenn og jafnmargir til vara sem sveitarstjórn kýs til fjögurra ára að afloknum sveitarstjórnarkosningum, skv. ákvæðum sveitarstjórnarlaga og samþykktar um stjórn Skútustaðahrepps.

4. gr.

Leikskólastjóri, skólastjórar grunn- og tónlistaskóla svo og fulltrúar foreldra og starfsmanna viðkomandi stofnana eiga rétt til setu á fundum Skólanefndar þegar fjallað er um málefni sem varða þeirra stofnanir sérstaklega, ef ekki er verið að fjalla um mál sem snerta þá persónulega.

5. gr.

Sveitarstjórn skipar formann og varaformann en nefndin kýs ritara á fyrsta fundi sínum.

II. Hlutverk nefndarinnar

6. gr.

Hlutverk nefndarinnar er:

- Að fara með málefni grunnskólans skv. lögum og reglugerðum.
- Að fara með málefni leikskólans skv. lögum og reglugerðum.
- Að vera sveitarstjórn til ráðgjafar í fræðslu- og daggæslumálum.
- Að gera tillögur til sveitarstjórnar um markmið í ofangreindum málaflokkum.
- Að fjalla um, hafa eftirlit með framkvæmd og veita sveitarstjórn umsögn um þjónustusaming sveitarfélagsins við sveitarfélagið Norðurþing um sérfræðiþjónustu í grunn- og leikskólum.
- Að fara með málefni fullorðinsfræðslu og samstarfssamning við Þekkinganet Þingeyinga.
- Að hafa eftirlit með því að samþykkt markmið sveitarstjórnar í þessum málaflokkum nái fram að ganga.

- Að vera umsagnaraðili til sveitarstjórnar um ráðningar forstöðumanna á sviði nefndarinnar, eftir því sem lög og samþykktir sveitarstjórnar gera kröfu til.
- Að hafa eftirlit með því að ákvæði laga á verksviði nefndarinnar séu haldin.
- Að gera tillögur að gjaldskrár fyrir stofnanir og starfsemi sem undir nefndina heyra.
- Að starfa með sveitarstjóra að málum er undir hann og nefndina heyra.

Skólanefnd hefur umsagnarrétt um tillögur forstöðumanna við fjárhagsáætlunargerð. Í störfum skal nefndin hafa gott samráð við aðrar fagnefndir sveitarfélagsins.

7. gr.

Auk verkefna sem nefndin hefur með höndum skv. lögum og erindisbréfi þessu, getur sveitarstjórn falið henni ýmis mál með erindisbréfum eða samþykktum.

Gildistaka

8. gr.

Erindisbréf þetta byggist á ákvæðum **sveitarstjórnarlaga nr. 138/2011** um verkefni sveitarfélaga og starfsemi nefnda á þeirra vegum og samþykkt um stjórn Skútustaðahrepps.

Erindisbréf þetta hefur verið samþykkt í sveitarstjórn og tekur gildi 25. september 2014.

Mývatnssveit 13. október 2014


Jón Óskar Petursson sveitarstjóri.

